




北燕
石九

北燕
石九







燕巖集

外集

熱河日記卷十六

幻戲記

朝日過光被四表牌樓之下萬人簇圍市笑動地驀
然見闕死橫道者蔽扇促步而過從者後俄而追呼
有恠事可觀余遙問謂何從者曰有人偷桃天上為
守者所擊塌然落地余叱為收駭不顧而去明日又
行其地蓋天下奇伎淫巧雜劇皆赴千秋節待詔熱
河日就牌樓演較百戲始知昨日從者所見乃幻術
之一也蓋自上世有此能役使小鬼眩人之目故謂
之幻也夏之時劉累擾龍以養孔甲周穆王時有偃

師者墨翟君子也能飛木鳶後世如左慈費長房之徒皆挾此術以游戲人間而燕齊迂怪之士談神仙以誑惑世主者皆幻術當時未之能覺意者其術出自西域故鳩摩羅什佛圖澄達摩尤其善幻者歟或曰售此術以資生自在於王法之外而不見誅絕何也余曰所以見中土之大也能恢々焉并育故不為治道之病若天子絜々狀與此等較三尺窮追深究則乃反隱約於幽僻罕覩之地時出而銜耀之其為天下患大矣故日令人以戲觀之雖婦人孺子知其為幻術而無足以驚心駭目此王者所以御世之術也哉遂記其所觀諸幻共二十則將以示吾東之末

見此戲者

幻者盥手悅淨整容四顧鼓掌翻覆遍示衆人乃以
左手拇指合其食指摩如丸藥如擦蚤蟲忽萌微物
僅如粟子連摩漸大漸如菜豆漸如櫻桃漸如檳榔
漸如鷄卵則以西掌疾相摩轉益團益大微黃淡白
如鵝卵大纔過鵝卵其大不漸倏如西果幻者復跪
其膏漸仰摩團益疾如抱腰鼓臂若乃止按置桌上
其體正圓其色正黃其大如盞可盛五斗重不可舉
堅不可破冰石非鐵冰木非革非土團成不可名狀
無臭無香混沌帝江幻者徐起鼓掌四顧復按其物
柔團溫摩物軟手媚輕々如泡漸縮漸消指顧之間

還入掌裡復以兩指摩、一彈即無有物

幻者使人剉紙裁卷大桶汲水納紙桶中手攪其紙如漉濯衣紙解漉混如土入水遍招衆人臨觀桶中紙水泥濃可謂寒心于時幻者鼓掌一笑卷其雙袖據桶撈紙兩手汲引如繭抽絲紙乃相紛如初剉時無有續痕誰為粘之其廣如帶裁十百丈盤委地上風動翻颭更觀桶中澄清無滓如汲新水

幻者負柱而立使人反接其手縛其兩拇柱在臂間兩拇青黑痛不可忍衆人環看之云不酸悲於焉幻者離柱而立手在脅前其縛如故未嘗解脫指血會腫色益黑紫不忍苛痛衆乃解繩血氣漸通繩迹猶紅

我人驛夫注目諦視心中自怒義形于色鼓囊出錢
大呼幻者先給與錢要再細觀幻者稱寃我不洩愚
汝不我信任洩傳我驛夫發憤投棄其繩自解鞭條
含口柔之乃執幻者背負其柱反接縛之比初益急
幻者哀號痛楚入骨落淚如豈驛夫大笑觀者益衆
未見脫時已自離柱縛竟不解以示神通如此三次
無可奈何

幻者以水晶圓珠二枚置桌上珠比鷄子差小乃持
一枚張口納之喉窄珠大未可吞下吐出其珠還置
桌上復於篋裡出兩鷄子瞋目延頸乃吞一卵如雞
飲蛭如蛇吞蟾卵滯項中如附癰瘤復吞一卵果梗

其喉噎噎哇歛項赤筋立幻者悔恨如不欲生乃以
竹箸搯刺其咽箸折落地無可奈何張口示人喉露
小白扣膏搥項悶塞煩冤小技浮誇嗚呼死矣幻者
默聽若癢耳朵傾耳似爬如有所疑以禁指尖窰其
耳孔引出白物果是雞子于是幻者右手持卵遍示
衆人納于左目拔出右耳納于右目拔出左耳納于
鼻竅拔出腦後項邊一卵終猶滯在
幻者以白土一塊畫地為一大圈衆人環坐圈外幻
者于時脫帽解衣以砂礪劍裝出光色挿于地上覆
以竹箸搯刺項上欲破鷄卵據地一嘔卵竟不出乃
拔其劍左揮右旋右揮左旋仰空一擲承劍以掌又

一高擲張口向天，劍頭直落，插入口中。于時衆人變色，齋起，錯愕無言。幻者仰面垂其兩手，挺久立，不瞬。雙目直視青天，須臾吞劍，如倒瓶飲，頸腹相應，如蟾懷急劍，環掛齒，不沒。惟靶幻者四據以柄築地，齒環相格，罔有拜。又復起立，拳擊柄頭，一手扞腹，一手握柄，亂攪腹中，劍行皮間，如筆畫紙。衆人寒心，不忍正視。小兒怖啼，背立顛仆。于是幻者鼓掌四顧，毅然正立，乃徐拔劍，雙手捧持，遍向衆人，直前為壽。劍尖血滴，煖氣蒸。

幻者剪紙如蝶翅，為數十片，擦在掌中，誘衆中一小兒，盪目張口。幻者以掌掩口，兒頻足啼哭。幻者笑而

放手兒且啼且哇綠蛙跳出連吐數十蛙皆踉蹌地
上

幻者淨拭桌面振拂紅毡鋪桌上四顧鼓掌遍示衆
人幻者緩步至桌前一手托定毡心一手拈起毡角
赤色一鳥叫一拜爵向南飛去又一撩揭東方青鳥
向東飛去納手毡底潛撈一雀色白味丹兩足爬空
握幻者鬚幻者攬鬚則又咏幻者左目幻者捨鳥摩
目鳥向西飛去幻者憤歎又潛手執一黑雀將以與
人失手放之雀墜地宛轉桌下童子爭執雀決起
向北飛去幻者裝憤撒去毡子無數鸚鵡一時飛起
鼓翅盤旋集于屋簷

幻者持小錫瓶右手酌水一椀注于瓶中欲灑瓶口
幻者置椀桌上持竹箸衝瓶底瓶底水漏點滴良久
淋漓如簷溜幻者仰吹瓶底漏水即止幻者向空側
睨口中念呪水湧瓶口數尺放瀉滿地幻者喝拜掬
執水腰水中截縮入瓶中幻者復持其椀還斟瓶水
多少如初而地上水跡如傾數瓮

幻者出二金環置桌上遍招衆人視此金環規可二
圍三始無終團，天成幻者于是開張兩手各執一
環回旋乍舞向空飛環以環受環兩環相連持此連
環遍示衆人三罅無隙孰見連時幻者于是開張兩
手各執一環一離一合一連一新之連之離之合

之

幻者鋪繡襪於桌上微揭襪一角落拈出拳大紫

石以刀尖微刺之承盃石底燒酒細瀉滿盃則止衆

人爭出錢沽飲要飲史蒯公則石流史蒯公要飲佛

手露則石流佛手露要飲壯元紅則石流壯元紅史蒯

公佛手露壯元紅皆酒名不專一惟求輒應一縷列香落胃暈頰

連瀉數十盃忽失石所在幻者不驚不遑遙指白雲

曰石歸天上

幻者納手毡底摸出蘋果三枚蘋果即我國所稱沙果中國所稱沙果即

我國林禽我國古無蘋果東平尉奉使時連枝帶葉

者一枝持向我人請買我人掉頭不肯曰聞汝往日

常以馬矢戲人幻者笑而不辨于是眾人爭沽啖之
我人始乃請沽幻者始靳久乃拈出一枚與之我人
一噓即吐馬矢滿口一市皆笑

幻者以針一握納口吞之不癢不痛言笑平常噉飯
啜茶徐起扞腹乃以紅絲摩納耳孔靜立良久嚏咳
數度捏鼻出涕以幌拭鼻納指鼻竅若扶鼻毛須臾
紅絲少見鼻竅幻者以爪鐮抽其端絲出尺餘忽有
一針卧度鼻竅貫絲端抽絲益長百十針皆貫
一絲或有飯顆黏刺針端
幻者出白色梔子覆盆眾人置諸地上即無有物幻
者四顧鼓掌示眾持一梔子覆諸梔口四向唱詞良

久聞視有銀五片形如白蘋幻者四顧鼓掌示衆復以櫟子覆碗如初向空側睨喝聲若罵良久聞視銀化為錢厥數二五

幻者以銀杏一盤置地上以一大盆覆之向空念呪良久聞視不見銀杏盡是山查復覆其盆向空念呪良久聞視不見山查盡是荳蔻復覆其盆向空念呪良久聞視不見荳蔻盡是丹奈復覆其盆向空念呪良久聞視不見丹奈盡是舍利旃檀刻成盡像布袋一、含笑箇、胖腮一串百八無始無終雖有巧曆從何數起于時幻者四顧鼓掌遍招衆人許云妙術復覆其盆翻置地上盆下盤上側目喝聲若有所怒

良久開視無一念珠清水潑灑一隻金盃活潑盆中
呬水吐泥一躍一泳

幻者置畫甕盤徑尺有咫者五枚于桌上復以細竹
數十枚置桌下竹大小長短比箭皆削其端令銳之
乃持一竹置盤其端揜竹旋之不傾不歌若旋少緩
則更以手擊之令疾盤急於回旋不念危墮盤若少
歌則更以竹激而騰之盤離竿頭尺餘安下正中回
回旋幻者乃挿之右脚靴中而盤自回又以一
竿旋盤如初挿左靴中又以一竿旋盤挿右領又以
一竿旋盤挿左領復以一竿置盤其端搖之激之旋
回旋以手擊之錚有聲于時幻者以竹挿竹次

次續之盤重竿長竿腰自彎全忘落碎回旋不止竿
至十餘續則高出屋上于時幻者徐拔前所挿竿盤
次第典傍人還置桌上于是幻者口含一竿如橫烟
竹以其高竿立之所含竹端垂其兩手挺々久立于
時衆人莫不骨酸冰為愛盤實所目擊危哉危哉一
瞥風動竿果中折于是衆人一齊驚譁幻者亦動疾
走承盤更一高擲盤飛百尺于時幻者顧眄四衆意
思安閑輕々受盤不矜不誇旁若無人

幻者置稻穀四五斗於前兩手爭掬如嗜菊泰湏臾
盡啖地面如砥于時幻者據地吐糠涎團成塊糠盡
煙絀籠幕唇齒以手拭髯索水漱口烟竟不止扣膏

摸唇不耐煩燥連飲數碗煙勢彌熾張口一喀赤火
塞口以箸挾出半炭半燒

亨者以金葫蘆置桌上又出綠銅花觥插孔雀羽須
臾失金葫蘆所在幻者指衆中一人曰這位老爺藏
弄其人怒形于色曰那得無禮幻者笑曰真定老爺
欺負葫蘆在老爺懷中其人大怒口中且罵一振其
衣忽自懷中鏗然墮地一市齋笑其人默然久之立
人背後

幻者淨拭桌面陳列畫書小爐藝香白琉璃盤盛桃
三枚梔子大桌前置碁局及白黑子筒設茵鋪
席端方雅魚暫施帷幕於桌須臾撤之有珠冠荷衣

者有霞袂雲履者有衣葉蹠足者或對坐擺局或柱
杖旁立或支頤坐睡皆美須髯形白古奇盤中三桃
忽連枝帶葉枝頭開花珠冠者摘桃一枚相與啖之
出其核種之地中又食他桃未半地中桃子已長數
尺開花結子對局者奄然斑白俄而皎雪

幻者置大琉璃鏡于桌上設架立之于時幻者遍招
衆人同視此鏡重櫺複殿窈窕丹青有大官人手執
繩拂循櫺徐行佳人美女四、三、或擎寶刀或奉
金壺或吹鳳笙或踢繡毬明璫雲鬟妙麗無雙堂中
百物種、寶玩真定世間極貴富者于是衆人莫不
羨悅耽嗜爭玩忘此為鏡直欲鑽入于是幻者麾衆

喝退卽掩鏡扉不令久視幻者閑步四向唱詞又開
其鏡招衆來視殿閣寂莫樓榭荒涼日月幾何寶女
何去有一睡人側卧床上傍無一物以手撐耳頂門
出氣囊々如煙奉纖末圓形如垂乳鍾馗嫁妹鴛鴦
娶婦柳鬼前導蝙蝠執幟乘此頂氣騰空游霧睡者
乍伸欲寤還寢俄然兩腿化為雙輪而其輻軸猶然
未成于是觀者莫不寒心掩鏡背走世界夢幻本自
如此猶於鏡裡炎涼損殊一切世間種々萬事朝榮
暮枯昨富今貧俄壯倏老夢中說夢方死方生何有
何亡孰真孰假寄語世間善心善男菩薩兄弟幻界
夢身泥金電帛結大因緣隨氣暫住願準足鏡莫為

熱進莫為寒退齋施錢陌濟此貧乏

幻者置一大盆于桌上以帨拭淨覆以紅氈若將有所為術也周旋之際懷中一盤錚然墜地赤束逗散衆人齋笑幻者亦笑收藏罷仆因為罷戲非不能也日暮將罷故為破綻以示衆人本此假者

是日鴻臚寺少卿趙光連聯椅觀幻余謂趙卿曰目不能辨是非察真偽則雖謂之無目可也然常為幻者所眩則是目未嘗非妄而視之明反為之祟也趙卿曰雖有善幻難眩瞽者目果常乎哉余曰樊邦有徐花潭先生出遇泣于道者曰甬矣泣對曰我三歲而盲今四十年矣前日行則寄視于

足執則寄視於手聽群音而辨誰某則寄視於耳
嗅臭香而察何物則寄視於鼻人有兩目而吾手
足鼻耳兔冰目也亦奚特手足鼻耳目之早晏晝
以俸視物之形色夜而夢視無所障礙未曾疑亂
今行道中兩目忽清翳膜自開天地寥廓山川紛
鬱萬物礙目群疑塞膏手足鼻耳顛倒錯謬皆失
故常渺然忘家無以自還是以泣甫先生曰甫向
甫相之應自知曰我眼既明用相何地先生曰還
閉爾眼立地汝家由是論之目之不可恃其明也
如此今日觀幻非幻者能眩之實觀者自眩甫趙
卿曰然世言飛燕太瘦玉環太肥凡言太者已甚

之辭也既論其肥瘦而輕加以已甚之辭則已非
絕世之佳人彼二帝之目獨眩于肥瘦之間世之
无光明眼真正見久矣太伯之文身採藥幻以孝
者也豫讓之漆身吞炭幻以義者也紀信之黃屋
左纛幻以忠者也沛公其幻也幟張良其幻也石
田單以牛初平以羊趙高以鹿黃霸以雀孟常君
以鷄蚩尤之幻銅頭鐵額諸葛之幻木牛流馬王
莽之金藤請命幻之未成也曹操之銅雀分香幻
之破綻也祿山之赤心盧杞之藍面皆幻之拙者
也自古婦人尤能善幻如褒姒之於烽火驪姬之
於籩也然聖人神道設教上有然者愚雖未敢致

疑於階草之指倭庭鳳之儀韶而未能盡信於
負舟之黃龍流屋之赤烏自古神聖愚凡莫不有
一番不可知之事或有嗜瘡痂者或有好驢鳴者
雖謂之幻可也雖謂之性亦可也幻之為術也雖
千變萬化無足畏者天下有可畏之幻大姦之似
忠也鄉愿之類德也余曰胡廣之三公幻以中庸
馮道之五代幻以明哲而笑中之有刀酷於口裏
之吞鉤耶相與大笑而起



燕巖集

外集

熱河日記卷十七

避暑錄

避暑錄者余遊避暑山莊所錄也熱河有三十六景
康熙迺景置殿閣一曰煙波改築一曰芝蓮雲隄一
曰無暑清涼一曰延薰山館一曰水芳巖秀一曰萬
壑松風一曰松鶴清越一曰雲山勝地一曰四面雲
山一曰北枕雙峰一曰西嶺晨霞一曰錘峯落照一
曰南山積雪一曰梨花伴月一曰曲水荷香一曰風
泉清聽一曰濠濮間想一曰天宇咸暢一曰暎溜喧
波一曰泉源石壁一曰青楓綠嶼一曰鶯轉喬木一

曰香遠益清一曰金蓮映日一曰遠近泉群一曰雲
帆月舫一曰芳渚臨流一曰雲容水態一曰澄泉繞
石一曰澄波疊翠一曰石磯觀魚一曰鏡水雲岑一
曰雙湖夾鏡一曰長虹飲練一曰甫田叢樾一曰水
流雲在繞名所居曰避暑山莊康熙自為記曰金山
叢脉暖溜分泉雲壑潄涵石潭青靄境廣忭肥無傷
田廬之害風清夏爽宜人調養之方朕數巡江干深
知南方之秀麗而幸秦隴益明西土之殫陳北過龍
沙東遊長白山川人物亦不能盡述皆吾之所不取
惟茲熱河道近神京地闢荒野度高平遠近之差開
自然峯嵐之勢依松為禱引水在亭皆非人力之所

能借芳甸而為助無刻楸丹楹之費喜林泉抱素之
懷文禽戲綠水而不避麋鹿映夕陽而成羣鶩飛魚
躍從天性之高下遠色紫氛開韶景之低昂此居避
暑山莊之槩也康熙五十年六月下旬所書則康熙
晚節多在熱河也時方仲秋而塞北暑氣猶蒸常著
白苧單衫而向午揮汗每遊覽之暇移椅齋外大槐
樹下以清暑三官所請輒為錄之名之曰避暑錄
奇麗川滿人也性驕傲顯有藐視尹亨山之色亨山
佯若不知容辭僅下尹長奇二十餘歲位亦差高而
漢人既為羈旅之蹤則勢所使然麗川所居與余所
寓對戶余欲往晤亨山則必徑奇戶故必先歷奇戶

不解余意必踵余而至須臾起去告以他往竒笑而
背指曰尹公之他尹公亦嘗背評曰鳩眼未化滿漢
仇疾類此麗川嘗潛謂曰有一山東布司苦乏廉聲
嘗出一對榜之衙門曰視民若子立法如山夜有續
其下曰牛羊父母倉廩父母恭為子職而已矣寶藏
興焉貨財興焉此豈山之性也哉意似指尹余偶一
問尹曰公曾蒞山東布司否尹公曰然及還中原談
次問識竒則皆掉頭馮秉健奮然曰士大夫安知韃
子問亨山何如人皆欣然曰樂天一流人
光被四表牌樓南衙第二門首董氏宅有一門進
清扁額康熙御筆又有今皇帝御書門額兩世三孝

乃口外民家而天子前後駐蹕者三云康熙遊浙時
召見山陰耆民王錫元等兄弟五人黃髮兒齒相扶
相將賜宴于行宮長次同胎時年八十其次七十八
次七十六次七十五二人年共計三百八十九五人
子若孫共計四十五人各賜緞錦御筆扁額一門仁
瑞皇太子賜聯五枝錦樹榮今代百秩仙籌萃一門
可見近世旌淑表異之典務過前代

北鎮庠庭古松皇帝自畫刻烏石坎置岩腹巖高僅
丈餘明時名翠雲屏今皇帝又號補天石題詩函傍
曰鎮庠門西似蓋松半存枯幹半龍葱疑神如見抱
朴子岳貌慚冰陳所翁立下忽疑晴與雨現前可悟

色兮空何當六月其根坐讀疏仡聽謖、風署乾隆
宸翰甲戌東巡親紀北鎮禮成周覽廟中有古松已
枯其半槎枒如鐵石東榦鬱然蒼翠竒致天矯因立
樹下寫為是畫九月廿四御筆印天地為師皇帝書
畫俱工石傍又有三韓人金鵬待時登鑿巫閭山頭
雲舍滄桑望裡收石髮岩衣嫌迹擾鳥鳴蟬噪帶人
幽凌空樹古龍飛去傍地花新鳳壘留堪斗惟神天
一柱億年萬紀庇皇秋署咏公筆力甚拙或謂東人
金鵬而殊不識遼東人亦稱三韓也顧亭林斥官啣
地名借用古跡然亦多效之者且其詩雖非二六冰
東人口氣

蘭雪軒許氏詩載列朝詩集及明詩綜或名或号俱以景樊載錄余嘗著清脾錄序詳辨之懋官之在燕以示祝翰林德麟唐郎中樂宇潘舍人庭筠三人者輪讀讀許云及余在此論詩綜闕謬因及許氏尹公曰左悔菴侗外國竹枝詞首著貴國其曰楊花渡口杏花紅八道歌謠東國風最愜飛瓊女道士上梁曾到廣寒宮注云閨秀許景樊後為女道士嘗作廣寒宮白玉樓上標文余詳辨其景樊之証尹奇兩人俱為分錄收藏中州名士嘗又以此事為一番著書之資大約閨中吟咏本非美事而以外國一女子芳播中州可謂顯矣然吾東婦人未嘗以名與字見於本

國則蘭雪之號一猶過矣況乃認名景樊在、見錄
千載難洗可不為有才思閨彥之炯鑑也哉

諸幻中酒石最要若真有是石當為天下絕寶世傳
皇明天啓中倭攻琉球虜其王琉球太子載其國中
世寶將以贖父舟漂到濟州牧使某問舟中有何物
太子以酒泉石潑山帳對酒泉石形如瑪瑙中坎容
一盞以清水貯之即度為美酒漫山帳以海蛛絲染
藥結造小張則可覆一屋大張可覆一山小而蚊蠅
大而蛇虺莫能入牧使請之不许則遂殺卒圍船太
子以帋帳投之海中牧使盡藉船中所載遂赦太子
太子作死咏詩曰竟落難分樂服身臨刑何暇訴蒼

旻三良臨穴誰能贖二子乘舟賊不仁骨暴沙塲纏
有草魂歸古國吊無親竹西樓下滔々水遺恨分明
咽萬春此載李重煥擇里志牧使遭臺叅減死長流
云余常疑此近齊東使此果真也牧使之罪雖肆市
難贖其子孫如何長享富貴琉球中山王尚寧屢以
書幣通付年至使甲申以後不復通問惜今行未遇
海外諸使以昨所見幻戲酒石觀之則琉球酒石亦
似幻術以閩人王三賓所言海蛛網席為真則湯山
帳理或與收

熱河酒樓繁華不減皇京壁上多名人書画流霞亭
題功名富貴兩亡羊且盡生前酒一觴多種好花三

百本短籬風雨四時香又飲翠裘樓壁間所題墨痕
猶濕賴于敏中阿克敦筆問諸酒傭知此書主名否
對俄有一客馮揭終去不知書者姓名其詩致主初
心陋漢唐暮年身計落農桑烟牛跡西郊路又卧
旗亭送夕陽兩詩不知何代誰作詒風一詠令人感
慨俱書扇面歸問尹亨山則以名對而余又忘之
尹卿問高麗朴寅亮於君為何余曰猶毛遂之典毛
聃僕是土姓分為八望貫系各異不相為族亦不敢
慟哭汾陽尹卿曰康廵中有朴雷字鳴夏朝鮮人今
大清中外一家俱無青唇之嫌余問何為青唇之嫌
也尹卿曰宋元豐中高麗使至明州象山尉張中以

待送之朴寅亮答序有曰花面艷吹愧隣婦青唇之
動柔間陋曲續郢人白雪之音有司劾中小官不當
私交外夷神宗問左右青唇何事皆莫能對乃問趙
元老元老對曰太平廣記有觀隣夫見婦吹火為詩
云吹火朱唇動添薪玉腕斜遙看烟裡面恰似霧中
花其妻告其夫曰君豈不能學耶夫曰君亦吹火我
當效之夫乃為詩云吹火青唇動添薪墨腕斜遙看
烟裡面恰似鳩盤茶此出王闢之渾水燕談錄云
余謂郝志亭曰將軍雖從弓馬出身掌故甚閑筆翰
流麗雖宿學者儒當解曉儒不審中州武將必須文
雅學問優長否抑亦將軍故是儒家淵源乃效定遠

勒銘否志亭曰家世農家幸際聖代然隨陸絳灌之
恨其來久矣如成者則所謂車載斗量曷足道哉如
今太學士阿公桂如近古太學士舒公赫德皆能文
致太平武遏亂畧富貴壽福則汾陽西平勤勞勲烈
則裴晉文潞不如是未可以做文未可以做武如今
四彝賓服風塵清謐如成者可謂一介腐武三十年
來學六韜英名嘗得預時髦因國難披金甲不為
家貧賣寶刀臂健尚矍矍弓力軟眼明猶識陣雲高堂
前昨夜秋風起羞覩盤花舊戰袍此曹翰作讀其詩
想見其據鞍顧盼自古儒將如孫武吳起廉頗樂毅
王翦趙充國班超沈慶之韓世忠皆致大耄余笑曰

沈慶之目不識字何謂儒將志亭示笑曰沈公云耕
當問奴織當問婢當時已行其學向戚南宮充工於
詩画角群傳艸木哀雲頭對起石門開朔風邊酒不
成醉落葉歸鴻無救來但使元玄戈銷殺氣未妨白
髮老邊才勒名峰上吾誰與故李將軍舞劍臺其將
才可及詩才不可及

夕登豐潤城有一美髯長者前揖自言姓名林皋浙
江人求聞余姓名且驚且喜曰君豈非楚亭族親乎
余亦驚喜問君何以知楚亭林皋曰前年朴楚亭與
同國李炯菴共登文昌樓因宿同郡胡廸恒指城底
一門曰這是胡宅壁上有楚亭筆遂同卞季涵鄭進

士^珏入其中堂日已昏黑主人為張四燈照壁一讀
乃余家典洞時炯菴在余作也沈寥秋令樹先知任
忘暄涼故白痴壁靜萬蟲動自護簾虛一鳥慣相窺
拋他錢癖如將浼呼我書淫故不辭好事中州空艷
羨堯峰文筆阮亭待聯白鷺紙二幅筆態流動一字
恰如雨掌大先是吾輩談說中原空費豔羨數年之
間取次一遊又況萬里異鄉如逢故人一面哉
琉璃殿中六一齋初遇俞黃圃世琦字式韓目清眉
秀疑其為潘庭筠李調元祝德麟郭執桓諸名士也
此諸人者有先余交游者故名芬牙頰若教鬚眉及
與俞筆語之際為寫柳惠風送其叔父彈素詩佳菊

衰蘭映使車澹雲微雨九秋餘欲將片語傳中土池
北何人更著書黃圃向池北何人是誰余曰此用阮
亭著池北偶談載敕邦金清陰事也黃圃曰感舊集
中有諱尚憲字叔度余曰是也澹雲微雨小姑祠佳
菊衰蘭八月時是清陰作阮亭論詩絕句澹雲輕雨
小姑祠菊蘭衰八月時記得朝鮮使臣語果然東國
解聲詩惠風作此倣阮亭也黃圃曰惠風詩未易倚
果然東國解聲詩也願聞其他作余又寫看書淚下
染千秋臨水騷人無限愁礪士編詩嬋草、旁青全
集若為求黃圃握手筆指旁青全集曰有禁鐵君祖
系貴國人余問緣何有禁黃圃不荅有箇詩人郭執

桓澹園連唱遍東韓至今三載無消息汾水悠悠入
夢寒黃圃批之問郭是何地詩人余曰郭是太原人
問師東望楊維棟何如人對皆不知問書肆中有新
刻繪聲園集否卷首有師楊兩序亦有僕序黃圃即
書繪聲園集四字送人文粹堂書肆扁額求之還言無有
余問足下知潘庭筠學士否黃圃曰未嘗證契余問
潘宅在宗人府間壁僕來時有言曰尋宗人府歷大
門右轉其間壁乃潘宅云宗人府距此多少路黃圃
問足下當知禮部有一客入座卽曰不必尋宗人府
潘宅離此不遠楊梅書街段氏白膏藥舖對門便是
潘寓黃圃與客云卽曰去歲秋間潘移寓於此先

生緣誰識他余曰敝邦洪大容乾隆丙戌隨貢使入
都遇潘其後繼有相交者僕雖未見神情默契潘工
書畫嘗自寫桃柳題詩贈洪曰吾家西子湖邊樹淺
碧深紅二月時如此江南歸不得輕塵如粉夢如絲
黃圃大加墨圈曰願聞貴友洪秀才佳句余曰未曾
記惠風送彈素詩淺碧深紅二月時輕塵如粉夢如
絲杭州舉子潘香祖可憐佳句似南施吾東豔幕中
州名士如此黃圃復圈之曰潘誠名士然惠風亦自
大佳黃圃即收其紙納諸懷中曰僕方錄毬堂詩話
幸得一段佳話同出門分袂黃圃指示曰此去楊梅
書街路也段鋪牌西大魚者是也

姜女廟在山海關外所謂望夫石也王建詩望夫處
江悠悠化為石不回頭山頭日風和雨行人歸來
石應語世多望夫石一在太平一在武昌王建所詠
非此石也今有行宮壯麗不減比鎮廟果親王金字
柱聯振古名臨乾隆八年十月皇帝題詩刻石曰涼
風飄樹吼斜陽尚作悲聲吊乃郎千古無心誇節義
一身有死為綱常由來此日稱姜女盡道當年哭杞
梁長見秉彝公懿好訛傳是處也何妨石傍有小亭
曰振衣亭大抵今清家世名筆而果親王尤善似勝
於米元章

從使者入中國須有稱號譯官稱從事軍官稱裨將

閑遊如余者稱伴當國言蘇魚稱飯當飯與伴音同
既濟鴨綠江則所謂伴當銀頂翠羽短袂輕懷道傍
觀者指點輒稱蝦不識為何稱蝦而蓋似是武夫之
別号也所過村傍小兒羣聚齊呼哥吾里來哥吾里
來或隨馬尾爭唱聒噪哥吾里來者高麗來也余笑
謂同行曰乃愛三魚諸人問何謂三魚余曰在道稱
伴當是蘇魚也渡江以來稱蝦、亦魚族也胡兒羣
呼哥吾里是洪魚也人皆大笑因於馬上口号曰翠
翎銀頂
千里遼陽逐使車一入中州三度号
輒生從古學虫魚高麗本從高句麗立号玄句省馬
為山高水麗曰高麗則千字文中金生麗水之麗當

屬去聲而中國人呼為平聲隋唐時高句麗皆呼高
麗高麗之号其來久矣李懋官嘗言高句麗始見於
漢書地理志而其先為金蛙東國方言稱蛙曰皆勾
驢又曰王摩勾驢古人質直以君為名國号而乃
冒其姓為高句麗此雖一時詭語而頗有理及外國
方言類多有群字中國人譯其音而字之如呼銀
為蒙古以好金為愛新覺羅呼壯士為曳落河者是
也

山西人郭執桓字封圭又字勤庭号曰半近又号東
山亦稱繪群園乾隆丙寅生能待工書画家素封宅
槐席山門當芦泉其父泰峰字青嶺号錦衲誥授中

憲大夫例者資政太夫錦袖日與沈德潛賈洛澤諸

名流倡酬其中封圭嘗介其同郡鄧汶軒師閔要澹

園八咏于東國名士澹園錦袖所居蓋為其父壽傳

也余為題紅蕉綠石出東牆一樹梧桐窈窕堂傲骨

平生迎送嬾丈人惟拜暮山光右來青閣南院竟日

影婆娑耐可呼吾亦喚他乍綴微風鳬鷺去不禁撩

亂百東坡右鑑影池已觀微白鼻端依欲辨臙神掩

兩扉獨有暗香侵夢冷羅浮明月弄輝右素心居

松覆深深字欄垂蘿歌石翠相攢一任西舫風吹

去盡夜寒拜瀉作灘右松蔭亭唾輕堪醒醉魂花天

裏行空翠鬢髣採藥將尋劉阮去路迷廉內赤城霞

右飛霞樓

花似將歸強挽賓，囑他風雨反逢嗔。自從

洞裏修瓶史，三百六句都是春。

右留春洞

玉塵清宵

獨上臺杞棚，霜落鴈流哀。一聲劃裂秋雲盡，萬里瑤

空皓月來。

右嘯月臺

花蕊夫人初入宮含羞，將語脰

先紅鸚哥舍利元，非妙誰識阿難悟道功。

右語花軒

封圭寄其所著繡拜園集刻本一卷，請余序之。觀其

集清虛灑脫，類不火食者。自弱冠時，藉父緒業，招延

海內詞客為文酒之會。楊維棟、盧秉純之徒，皆為序

其懷津門西亭曰：香散花殘，小院秋西。亭簷角月如

鉤，北來一鴈橫空碧。影下東南入海流，其題袁耀山

水小幅曰：蟹舍漁灣。水色明煙條，露葉半陰晴。雲間

天際孤帆遠寂莫斜陽一鴈聲其有感曰濠梁月色
照清秋夢繞淮南芦荻洲雨暗楚原連浦靜風催古
木雜江流孤舟多倚乾坤濶隻影空持雲水浮最是
蕭條極目處迢迢萬里使人愁余常徜徉於金鰲玉
竦之間而雨村李調元秋序潘庭筠芷塘祝德麟諸
名流庶幾可遇狀郭氏執桓沒已六年矣閻執恒死於乾隆乙未八月云繪聲集當有要刻之奉而求之廠中竟未得可
恨

尹卿出黑紙小箋西竹石乳金書綠竹瞻君子卷阿
矢德音揮毫閑便面握手得同心下方書尹嘉銓題
峇年七十

明詩綜載余五世祖錦陽君大同館題屏一絕高句
驪起漢鴻嘉宮殿遺墟草樹遮惆悵乙亥文德苑國
亡非為後庭花高句廉起非在鴻嘉乃漢元帝建昭
二年成帝鴻嘉三年百濟太祖高溫祚都稷山先祖
偶失點檢而俞式韓球堂錄引日知錄用東史所證
書大傳以辨此詩鴻嘉之誤中州之士勤於考拋辨
析以為博雅類多如此

長洲左侗悔菴著外國竹枝詞首以我國其下百餘
國民謠土產著其大槩而觀其所述朝鮮事尚多舛
謬况四海外萬里之遠而無文字可以通其土俗哉
其撰朝鮮曰高句驪降下句驪未若朝鮮古獬豸千

里 王京陳百戲漢城猶見漢官儀注云古朝鮮并
入高句驪隋征之不服貶為下句驪 明洪武中入
貢奉詔更號朝鮮以漢城為 王京每詔使至雜陳
百戲又曰長衫廣袖折風巾硃紙狼毫漢字真自序
世家傳國遠尚書篇內九疇人又小兒八歲蹄芡昌
舞劍能誅百濟王更唱嘉排會蘇曲朝來蠶績已盈
筐注云新羅國芡昌郎八歲為王往百濟舞劍于市
王召入宮令舞因刺之七月望日王使王女率六部
女子績於廣庭八月望日乃考其功負者設酒相與
歌舞謂之嘉排一女起舞為會蘇之曲後朝鮮破新
羅擬為芡昌會蘇二曲奇麗川出昭代業書拈此相

示余謂尹亨山曰降蹕下勾驂乃王莽事也尹曰朕
余曰自序世家句極謬箕氏朝鮮為衛滿所逐尹卿
曰此錯綜言東方三國時非專指貴國其曰傳國遠
者槩論國号朝鮮肇自箕聖所以贊美貴國之極致
大約此非佳作如痴人說夢隔靴爬癢余曰往云朝
鮮破新羅允修救邦承高麗高麗承新羅則安得破
五百年前新羅庶川大笑曰所謂乙丑甲子
余問尹卿曰當世詩人海內稱首者可得聞名歟尹
卿曰以四海之大固不乏鴻匠鈔才而救年老斷置
人世事年少才子未能相識救老友袁太史枚字子
才高蹈不羈之士也不樂仕宦放跡山水最工懷古

之作因高詠數句余未晚聽請書示其博浪城詩曰
真人採藥走蓬萊博浪沙連望海臺九鼎尚沈三戶
起六玉纒畢一椎未帑龍有氣黃金盡山鬼無群白
壁哀大索十日還撒手如君終古儘奇才觀其詩可
占中原士大夫之心而亨山之獨詠此篇其意尤著
朕不諱於奇麗川何也

康熙戊午江右女子季文蘭為胡人所掠賣往瀋陽
到榛子店題詩壁上曰椎髻空憐昔日粧征帑換盡
越羅裳爺孃生死知何處痛哭春風上瀋陽下題奴
江右虞尚卿秀才妻也夫被戮今為王章京所買將
往瀋陽戊午正月廿一日洒淚拂壁書此惟望天下

有心人見此憐而見拯奴年今二十有一後六年癸
亥清城府院君金公錫胄使過此店歸而歸後三十
餘年老稼齋金公昌業又過此店則壁間題墨猶有
存者今余後稼齋六十餘年而又過此店徘徊詠想
而壁上所題不可見矣余偶舉此詩語之奇豐額奇
潛狀淚下向榛子店在於何處余曰在山海關外奇
郎題一絕曰紅粧朝落鏤黃旗拍傷心第五詞天
下男兒言孟德千金誰贖蔡文姬

康熙山莊詩共三十六首皆陋拙無致蓋多勉強詠
哦以示素抱而群下必蒐羅群書以廣箋注如烟波
致矣曰山莊頻避暑靜默少喧譁此何足多費訓釋

而為往者引梁蕭統詩命駕出山莊劉禹錫詩綠蘿
陰下有山莊戴叔倫詩芝田棗往往來頻孫逖詩地
勝林亭好時清宴賞頻魏徵九成宮醴泉銘皇帝避
暑乎九成之宮梁簡文帝納涼詩避暑高松側輕風
時入襟白居易詩望春花景暖避暑竹風涼南史沈
麟士傳年過八十耳目猶聰明人以為養身靜默所
致皇甫曾詩艸長光風裡鶯啼靜默間何遜詩視聽
絕喧譁此才兩句無不可解者安用許多箋注帝庸
作歌亦安用許多出處朱子曰閑々鳴鳩出在何處
此可謂詩學之大成

街頭喧誦河間傳
閨裡悲歌楊白華
此佔俾齋刺舍

方知也舍方知者私賤也自幼為女服傳粉脂學剪
製及長出入朝士家天順七年春憲府風聞逮訊其
素所私一尼曰陽道壯也令女醫班德扞之永順
君溥河城尉鄭顯祖雜驗之皆吐舌曰壯也當時中
朝亦先有此吳郡楊循吉蓬軒別記成化庚子京師
有寡婦善女紅少而艾履襪不盈四寸諸富貴家相
薦引以教刺繡見男子輒羞避夜典從教者寢處謹
鎖鑰人益信其嚴於自防庠生某慕之乃以厥妻詒
為姝延寡至家潛戒其妻夜啓戶佯如廁生遽入滅
燭寡大呼生扼其吭強犯之則男子也繫送于官鞫
之姓素名腫年二十四自幼縛旦法司上其獄憲

宗以為人妖置諸極典

望夫石千山范光遠題不見築城人但見貞女趾試
問萬里城何如一片石

康熙所刊全唐詩共一百二十卷宜無所遺而唐玄
宗御製賜新羅景德王五言十韵詩不載集中三國
史新羅景德王十五年春二月王聞玄宗在蜀遣使
入唐泝江至成都朝貢詔曰嘉新羅王歲修朝貢克
踐禮樂名義賜詩一首四維分景緯萬象含中樞玉
帛遍天下梯航歸上都緬懷阻青陸歲月勤黃圖滂
漫窮地際蒼々連海隅興言名義國豈謂山河殊使
去傳風教人來習典謨衣冠知奉禮忠信識尊儒誠

矣天其鑒賢我德不孤擁旌同作牧厚貺比生芻蓋
重青之志風霜恒不渝宋宣和中高廉使臣金富儀
將刻本示館伴學士李邴上之帝徽宗因宣示兩
府及諸學士訖傳宣曰進奉侍郎所上詩真明皇書
嘉歎不已此詩既入中國至經道君睿賞而後世錄
唐詩者并未見收始知前代墜文非耳目所可窮而
海外偏邦之士反或有闡幽之功豈非吾軍之厚幸
也

吳中自古浮誕輕詭然率能工文章善書画類多名
士而中原人士皆惡之目裨販駟儻則稱杭州風蓋
吳人多狡僞之術也錢塘田汝成委巷叢談曰杭俗

浮誕輕譽而苟毀道聽塗說無復裁量如某所有異
物某家有異事一人唱之百人和之身質其疑皎若
目覩譬之風鳥起無頭而過無形不可踪蹟故謗云
杭州風會撮空好和互立一宗又云杭州風一把葱
花簇、裹頭空又其俗喜作偽以邀利目前而不顧
身後如酒擲灰鷄塞沙鵝竿吹氣魚肉貫水織作刷
油粉自宋時已然余語奇貴州陸飛書函之工奇曰
這是凡虫蓋亦杭州風之謂也此人之憎疾南士類
此

崔杜機

成大

梨花菴老僧歌云吳王者戲泣椎結錢

叟為僧托隣筆我東先軍每於中州事率因風聞而

不詳實蹟所謂吳王者吳三桂也錢叟者錢謙益也
謙益三桂俱以降虜白頭無聊一則雖托義舉而大
号先僭一則寓意著書而大節已虧雖欲巧逃後世
之誅貶人孰信之吾東諺凡事物之黷昧者稱矇矓
春秋東人喜談春秋而矇矓若是賴者多豈不為滿
人之所笑乎

宋徽宗大觀中葉夢得館伴高麗使臣故事使人到
闕不過月餘卽遣還徽宗欲使觀殿試新榜及上池
遂留幾七十日使者頗修謹詳雅葉錢行至占雲館
而別其副使韓皞如贈葉玉帶云此唐古物其家世
傳為寶自於笏上書示一詩云泣涕汎瀾欲別離此

生無復再來期。謾將寶帶陳深意。莫忘思人見物時。
葉以麗使故事。云解挽例。力辭之。稱其詩雖朴拙。而
可見其意云。

雍正初。勅使書山。題浮碧樓曰風物獨依舊。山河猶
帶羞。書山滿人也。忽作思漢語。何也。

曩時商舶漂到甕津。舶中有能詩者。以一律呈水使。
曰故國誰憐鍾簾度。殊方還愧姓名通。千秋周顗新
亭淚。空灑滄溟水。不窮惜未得其全篇。而詩人姓名
亦無傳。

石林詩話

葉夢得著

曰高麗自太宗朝。久不入貢。至元豐

初。始遣使來朝。神宗以張誠一館伴。向其渡朝之意。

云其國與契丹為隣不堪誅求國主王徽

文宗

常誦

華嚴經祇生中國一夕忽夢至京師僅見城邑宮室之盛覺而慕之乃為詩曰惡業因緣近契丹一年朝貢幾多般移身忽到中華裡可惜深宮滴漏殘

錢受之所云國內無戈坐一人即金暴齋作也見本集受之之 跋皇華集舉此以譏之然其實華鴻山察頒 詔時所作俑也如廣野無邊水長天一點鴻野字寫得廣天字寫得長水字去傍為無邊點字打批為一點此所謂二字含意也故陪臣遠接龍灣必鈔選詞學之士為從事以備應卒而 詔使在這必出此等意在因迫接伴當時接伴諸人亦必預習此等

遂以爲例而非所樂爲也受之爲鴻山跋此集也沒
其實狀而獨拈東人一句以爲嗤笑至戒其勿與酬
唱惡能服東人之心乎余舉此談之俞式韓式韓收
納懷中如獲異寶

崔簡易三日浦詩晴峰六、欲螺蛾白鳥雙、弄鏡
波三日仙遊猶不再十洲佳處始知多余嘗登四仙
亭沈伯修書此詩刻揭亭上而此殊非佳作耳世傳
簡易謁王弼州公務堆積如山十拔吏迭奏文狀弼
州僥案揮麈左酬右應題判如流衆筆齊舉湏臾雲
空更有十餘少年各呈所課或詩或文或小品書種
弼州研朱點閱手不停筆簡易大驚服問侍者曰老

爺往常如此否侍者曰今適坐問少閑耳老爺往日
已得侍萬首著書千卷簡易默然心死袖出所著文
請教弇州曰有意於作者但讀書不多聞見未廣可
歸讀昌黎文中獲麟解五百遍當識作文蹊徑耳簡
易大慙恨深諱見弇州一事而為文務為僻澁奇崛
者學李于麟于麟為弇州所畏故欲以此雄壓耳
許筠之儼朱太史之蕃也問朱曾見弇州否朱曰曾
於癸巳春往太倉請益於弇州公時以南司寇致仕
貌不踰中人眼光如星築堂花園聚門徒飲酒賦詩
弇州日飲五六斗不醉有求詩文者令侍婢吹彈而
磨墨伸紙如有風雲鬼神又問弇州有畏憚否朱曰

公平生所畏服惟滄溟一人每覓句必先高詠于鱗
秦闕待曰蒼龍遠卧秦天兩石馬長嘶漢苑風如何
不畏

沈汾續神仙傳云新羅賓貢進士金可紀為仙云而
章孝標送金可紀歸新羅詩曰登唐科第憶唐音聖
日初生臨故林風高一葉飛魚背湖淨三山出海心
可紀之歸奉國明矣續仙傳稱可紀居終南山牛谷
後三年航海歸奉國復來衣道服入終南務行陰德
唐太中十一年十二月忽上表言臣奉玉皇詔明年
二月十五日當上昇矣宣宗異之賜宮女四人香藥
金綵又遣中使二人伏侍至其日果有五雲駕鶴望

簫金石羽蓋幡幢滿空昇鶴而去朝列士庶觀者填
溢山谷莫不瞻禮嘆異韓無畏傳道錄云金可紀典
崔承祐僧惠慈從申元之學道逢鍾離將軍地仙二
百等語似涉傳會

余友人羅杰仲興文章魁傑士也邃於易平生嗜鍾
王書法遇赫蹄片札則輒背作座鶴銘數字或紙不
足而點畫撈勒無可施處則運筆歷紙坐席盡黑故
若戶外有仲興履必先藏硯具然後乃方出近仲
興入室必先左右顧眄苦覓紙筆眼中無見然後乃
叙寒暄其任真如此歲丙申仲冬隨申書狀思運入
燕其時正使卽錦城尉也禮士殊深奇羅跡跡為助

崩丸數諭任譚母阻衙門然仲興天性真率所至多
見搪塞故不能恣意遊覽亦未得遇一中州名士云
其行余送之松京而其還倣華製造太平車載其妻
子入赤裳山中于今年不見今余是行檢篋中知
舊書札詩文藏之得仲興舊為詩行草烟然遂入行
橐以示奇貴州奇大加稱賞曰蒼健沈鬱其格力真
似老杜云其偶成曰山扉寥廓棄冠巾老去漸能幽
事親階除留對日華靜空外翻過雲片新黃鳥忽來
啼綠樹斑花與教度青春知無一物違吾意不負皇
天長育辰又天外錦西山復山近來卜宅不離閑孤
峯晴石依空翠側徑幽花點細斑鳥避誤疑沾雨過

蜂窺爭占飲香還興長日々扶藜杖一望一吟開旅
顏又戰經黑齒郡之東久住殊方事盡通峽曉雲移
幽洞翠洞曛日隱古城紅晚興早寢從他好短咏長
吟不自窮若道淹留無逸興何時得豁旅愁空其不
寐曰入夜喜看連峽雲遙空漸改赤紛紛對簷獨坐
息喧雀支枕乍眠還聚蚊峯樹溪沙漫欲數南箕北
斗自成文未憐愁劇添新病剩得待如刺繡紋午枕
曰昏昏午睡困炎蒸萬事疎慵著不能未卷牀書窺
紫燕常餘研墨飽青蠅客過小逕虛相問妻對荒畦
久欲憎忽得清光看月出錯疑赫日碾空昇貴州曰
固多名句而間不成律云蓋吾東音韻或與華音相

異故間有不合於律者耳

朴充金夷魚皆新羅人也入唐俱為寶真進士唐張
喬有送金夷魚奉使歸本國詩曰渡海登仙籍還家
備漢儀又張喬送朴充侍御歸海東詩云天涯離二
紀闕下歷三朝中州人士與余初遇必先問航海程
途下陸何方余對直由旱路起程自遼東入山海關
抵皇京云爾則或有不信者誦渡海登仙籍為證真
以我東為絕洋外國如琉球歐邏中州人有時鹵莽
如此

李懋官在墨莊座徵詩潘秋序

墨莊翰林庶吉士李
鼎元蜀綿州人秋序

潘庭筠
號也

潘曰吾前為詩頗費思索苦困作詩故苦未

多比覽憚鐵簫寒柳冊子王秋史題四時於後柳為
明殷相國通樂園舊植感而有作云愁心都付盡工
論淒絕長條夢水村海右亭荒名士散天涯木落廢
園存半規殘月春留別一例斜陽暮飲魂六十年来
看粉本墨香箋色又塵昏其二看遍東風寧地新蘸
波吹絮捻情塵可憐碧葉吟蟬地不見紅欄繫馬人
衰影驛楊傷老杜誰憐門巷憶髯秦

自注秦觀詞花
下重門柳邊深

卷

鵲華山麓髯枝外只有明湖冷濯巾其三西人吟

子一時稀減盡金城翠十圍綠岸卧枝歌暮雪入樓
暝色帶冬暉靜中黃葉無多響遠處昏鴉數點歸猶
有沾泥閑恨在逢春莫更作團飛其四七十泉群亂

石菴兩株憔悴野霜濃前朝臺榭沙痕在晚歲閑河
樹影重偶為士流青眼放恰如女伎白頭逢桐花零
落山薑老誰識王郎濯濯容此可見漢人之觸處興
感以五亭山諸公莫不感傷揮涕

南藥泉馱以緇衣巡到星州夜閱本牧先生案得諸
沫萬歷癸巳正月某日到任四月某日罷歸公未聞
我東有諸姓頗性之問於尹衡聖尹曰中原江浙間
有諸氏沫之先當自中土東來壬辰之亂沫起義兵
討倭所向克陷與郭再祐齊名云々此載藥泉集中
以藥泉之博識猶不識百年內諸沫則其出於微賤
可知雖立功如彼而名遂湮沒則安得不幽薨而為

寃魂乎星州鄭錫儒未第時與本牧子弟同做功令
留衙、後梅竹堂、前又有支頤軒一日鄭獨步軒
中時月甚明忽有烏帽茜袍者從篁竹間拂髯而來
曰我本州舊牧使諸沫也本固城縣民當壬辰之難
起兵討賊朝廷特除星州牧使其熊海所營鼎津
迎敵無不摧破而文檄泯沒史乘無傳當時如鄭起
龍諸人皆我之褊裨耳仍拔腰間寶劍曰以此嘗斬
倭救將額上我、有火紅踈髯張動自吟曰山長雲
共去天迥月同孤又言其墓在於恭原無子孫顧蓋
不治云脩然長揖而逝倏忽復入竹間既明共話此
事平日雖知先生案有諸沫常疑其不書姓亦不識

功烈之如此一朝得之莫不嗟異監司鄭益河間之
致鄭錫儒詳問之方狀聞于 朝適罷官未果則遂
闕恭原改封蔭域為置守冢二戶恭倖魚史廸晝寢
夢一官人來告吾墓在治所幾里某丘某塋之北巡
營當命修墓君其留意既覺而異之其夕閑到魚倖
遂大為修治云諸沫固材野生前不能識字故雖有
殊蹟無以自著而其精魄鬱而不散顯靈如此又能
咏詩可異也

辛評事慶衍年十二自白川上京路遇 明詔使驛
子奪辛所騎辛窘甚步及天使晝停詠之天使異其
姿貌玉潔指路上長丞曰爾能賦此當畀汝騎辛請

韻天使命韵云辛即對曰楚伯千秋尚有靈渡江

無面只存形當年恨失陰陵道長向行人指去程天

使大驚嗟賞厚餉以文房諸珍此作以無名氏載錄

於明詩選光海時登第官平安兵馬評事時西邊有

事九渡晴川江仍卒于官甚著靈蹟其後數十年辛

之友人某遇辛于閩西道中辛字呼道故如平昔遂

托曰子孫貪甚吾有所遺物而不能傳之寶刀及玉

圈一唯在屋梁上家人無知者君幸傳之售此二物

當得善價友人大異之歸即語其子孫遂檢檢其屋

果得刀及玉圈

吾東路上每十里五里立木偶類將

巫如中國之長亭短亭故吾東諸人借用長亭或有
誤認中國亭候如我國長亭或有誤認長亭為亭者

長陋甚余入中國道路立長亭題曰某地左右列短
亭記東至某所幾里西至某所幾里今來赴河口外
長亭多書評
字未知何稱

辛丈敦復氏嘗為余言 中廟時南越年十九登第

入文衡之薦而官止典籍自幼多異蹟每朝龍學於
塾師而多不至家人密踵之則路中徑入樹林中有
一精舍主人清雅絕塵越趨拜講質必日昃而歸家
人詰之輒詭對後遂為修鍊之術及登第遭己卯士
禍謫谷城縣仍止家焉一日送奴持書入智異山青
鶴洞有彩字極精廉有二人焉一雲冠紫衣一老釋
終日對棋奴留一日受書而還奴始以仲春入山草
樹方榮及出山乃見野中穫稻恠問之即九月初也

及薨卒年三十舉柩甚輕家人啓視之空棺也題其
內云滄海難尋舟去跡青山不見鶴飛痕村前耘田
者閑空裡樂舞仰見南越騎馬冉々在白雲中矣忠
州進士南大有其旁孫云

韓侍木石生妖震唐時蘇州僧義師見木刻佛軀輒
聚而焚之吾東楊州檜岩寺昔有木像大佛極著靈
異遠近僧俗奔走崇奉香火甚盛懶翁一朝以住持
往居此寺令衆僧曳出焚之衆皆驚懼苦諫懶翁皆
不聽使僧百餘用大繩呼邪推挽不動一麾懶翁怒
自以一手推之卽仆乃曳出寺外積薪而焚之臭穢
不堪蓋有大蛇盤繆佛腹久而示無災患大約木舊

接神廢刹木像類多他妖憑附所謂木石生妖者是也今日班禪所贈佛軀幾一尺似是刻木鍍金耳安知無妖恠憑附耶倉卒受此一行上下如沈手窖瓮罔知攸措余夜向區處之策於正使則曰已令首譯造小櫃子余對曰善矣正使問所善何意曰此欲浮之江耳正使笑余亦笑蓋棄置沿道寺刹則恐為中國所怒以此入國當駭物情彼此交界順流而放之海莫如鴨綠江

鄭湖陰

士

平生豪侈方其年少以禮曹佐郎詣朴平

城

元宗

平城時為首相坐別院深邃處使侍婢數十引

湖陰入湖陰踰厯重門處：彩閣曲：紅欄平城地

坐池上盤松蔭下左右叉鬟皆曳綾繡迭進珍羞又
引女樂數隊竟日歡宴湖陰臨罷以公事進平城不
省曰老夫武人耳幸遭際風雲致身至此惟自娛樂
以答盛世君所持公事歸問本曹判書湖陰茫然自
失平生所羨慕故至老奢華此載余六世祖錦溪君
寄齋雜記世傳湖陰慕平城善為竊狐白菓手段嘗
為江原監司巡遊入金剛山夜宿正陽寺偷純金佛
遂大致富厚及既老甚悔之有詩云正陽寺裡燃燈
夜蘂瑗方知四十非余嘗遊正陽驛間果有此題今
三使所受金佛共三軀可得金數千兩若使湖陰當
之不必正陽覺非余悟之副价如此相與大笑余又

曰今此佛像不幸木軀故辭而闕之廓如也若果金身闢異之論合有商量相與絕到

莊子曰絡馬首穿牛鼻牛之穿鼻古也東牛生七八
朔已穿鼻王荆公待牛若不穿鼻豈肯推人磨推磨
猶然况駕車耕田乎自入柵至熱河一戶所養牛不
下七八頭或多至三四十頭耕田駕車皆羈角而使
之無一穿鼻者牛皆絕大而家々放牧一小兒能馭
數十牛狀不但不穿鼻而不羈角中國馴御之術雖
非我國所及而其不穿鼻者亦有古今之異歟晉杜
預上疏有典牧種牛有四萬五千餘頭不供駕至有
老不穿鼻者以此觀之中國古時供役則皆穿鼻

姜女廟柱聯文丞相所題悲壯曰姜女未亡也千年
巨石猶貞秦皇安在哉萬里長城築惡筆奇崛果親
王允禮所題典厯曰柏葉從來嘗自苦梅花終古不
為妍華神化乾隆乙亥仲冬皇三子簾琴居士所題
酸寒曰松老顏垣見古祠崩城姜女事堪悲藁砧望
斷成奇鄴環佩空餘識舊姿石洒淚痕當日恨水流
咽後人思振衣亭畔淒涼甚猶憶凝眸睂曼滋筆
敏妙芳流遼水乾隆皇帝御筆勁鄴淒風果親王所
書聖夫石三字太原白輝所書

中國同字入語我東曰語入字故中外之別在此何
則因語入字則語自語書自書如讀天字曰漢捺天

是字外更有一重難解之諺

說郭有雞林類事天曰漢搗也

小兒既

不識漢搗為何語則又安能知天乎鄭玄家婢搗能
說詩為千載佳話然其實中國婦人孺子皆以文字
為語故雖目不識丁而口能吐鳳經史子集乃其牙
頰間恒談也我人初見中國孺子隔溪呼母曰水深
渡不得大驚以為中國五歲兒開口能詩此殊不狀
是乃語也非有意成句也老稼齋遊千山有村媪賣
酒問路僻人稀有誰沽飲對曰花香蝶自來多許多
轉折而辭明意暢自成韻語此無他因字入語之妙
證也余家小婢嘗至迷當屏餅而獲他餌喜謝曰巴
蜀亦閩中此本紙牌行語婢本不識巴蜀閩中而但

認是為彼此無異則當矣始知華語非難而未必鄭
婢擅雅千古也

清脾錄

李德懋著

云三韓人遍踏中土者無如李益齋

名齊

賢其所遊歷見於詩者若井陘豫讓橋黃河蜀道峨眉孔明祠堂函谷關渾池二陵孟津比干墓金山寺焦山多景樓姑蘇臺道場寺帛丘寺漂母墓涿郡白溝鄴城覃懷王祥碑峻陵長安鄭莊公墓許文貞公墓關龍逢墓望思臺武則天陵肅宗陵邠州陞州寶陀窟月支使者獻馬其足趾所到皆偉壯有非東人之所及其詩當為東方二千年來名家華艷昭雅快脫三韓僻滯之習今世之人甚有不識益齋之為

李齊賢顧君俠編元百家詩選而高麗人詩無一首
與焉當時牧菴姚公及陶子靜張菴浩舉皆推轂云
詩而亦無一首入選是可怪也云云益齋墓在金川
只錦里桃李村墓下卽益齋田宅曰其舊宅建書院
俎豆之余燕巖別業距書院不十里而近余嘗一再
至書院讀其遺集益信清脾錄所評為鐵論其思歸
曰窮秋雨鎖青神樹落日雲橫白帝城其二陵早發
曰雲迷柱史燒丹竈雪壓文王避雨陵其舟行峨眉
曰雨催寒犢歸漁店波送輕鷗近客舟其多景樓曰
風鐸夜喧潮入浦煙簑暝立雨侵樓其函谷關曰土
囊約住黃河北地軸勾連白日西我東詩人用事率

皆借用而真能目覩足踏者惟益齋一人今余一出
古北口而自多前人其視益齋真堪缺然

感舊集載清陰先生詩王貽上先室鄒平張氏江南
鎮江府推官萬鍾之女都察院左都御史謚忠宣公
延登之孫崇禎末先生航海朝天路出濟南時張
忠宣罷官家食先生因萬鍾得見忠宣一見傾倒為
留六日為序先生朝天錄一卷貽上所以熟習先生
者蓋曰其妻家也其鈔載先生詩如三秋海岸初賓
鴈五夜天文一客星橋石已從秦帝斲星槎猶許漢
臣通五更殘月水城頭詠史何人獨艤舟不向東溟
覓歸路還依北斗望神州南商北客簇沙頭西鷁青

簾幾處舟齊唱竹枝聯袂過滿城煙月似揚州皆貽
上所稱清婉可誦者也貽上為海內詩宗而士大夫
於貽上隻字片言如茶飯津、牙頰間故無不識清
陰姓名者然先生亘古大節莫能知焉郝志亭成請
得金叔度教篇佳作余曰僕原未有誦此來有清陰
先生六代孫履度別章志亭大喜曰又是奇事余出
示之志亭諷咏再三其後入錄其所鈔榕齋小史曰
華山金履度朝鮮使臣金清陰尚憲六世孫也其奉
別燕岩朝京原稿赴燕志亭改朝京曰四面燕山闊萬里秦城
高中有垂鞭者白髮行邁勞其二耿介湛軒子倜儻
燕岩叟海內知姓名高風續前後歲乾隆庚子五月

廿三日華山金履度題字季謹筆摹鍾王東國文章

奇士也與其友人朴燕岩韓錫祐為詩酒莫逆今歲

仲春朴燕岩隨貢使朝京與余遊甚相善也於是得

華山贈行詩三章深得四牡皇華之遺意余錄其二

首云

原詩殊方知姓名高風絕前屬字
亭改錄殊方為海內絕字為屬字

志亭又錄燕巖之族孫南壽字山如弭錦城美如冠

玉云其贈行曰莫云頭已白天地忽無窮匹馬遼東

野一鞭萬里風

錦城余貫籍也南壽印錦城
朴南壽山如則志亭坦為号

又錄曰其邦之高士李在誠仲存号芝溪燕岩之婦

弟也其贈行曰鴨綠衣帶水長城宿眷之

原稿燕城
志亭改長

城

悠々遠行客

原稿古來
經遊者

歷々知是誰又十載岩棲

客晨裝告遠遊半生方冊裡今日帝王州又宿昔棄
蓬志沈冥鹿豕群猶被雙眼役可忘白頭紛又兩熟
闕河漲雲蒸薊樹低請君慎行李去矣莫極之
原稿
勉旃

後
慎
行

又錄曰韓錫祐惠堂梁尚晦伯厚李行緯裕齋俱開
城人開城廉氏舊都其邦稱松京古開州舊號蜀莫
郡也有神嵩紫霞之勝文人韻士猶有乙支生鄭麟
趾之遺風焉聖朝文教覃被遐外云々惠堂送燕岩
朝京曰偶尔無方住著身一天之下海東濱如將遠
通看平等不出門時萬里人曉月依山碕戶明水蓮
花下藹餘情貧鷗不識中州好啼作陽關惜別聲青

天蓋野四周環漸失東南點々山行到遼陽何所見
日輪回指海雲間常願風漂萬里舟遍登天下有名
樓悠々匹馬金臺路何似孤帆碧海秋長城自壞國
隨之朝市人烟遂不移夫子庑庭周石鼓人間幾度
夕陽時其春院細雨曰露重梧先閃雷輕鳥不疑嫩
草深疑夢濃花恰欲痴玄蟻綠階滑青虫拖葉危水
立唯虹遠烟穿獨鳥遲悄々孤客坐湛々美人思伯
厚送燕岩朝京曰極目山河路一絲心如相約未相
隨離筵更進一盃酒楊柳青々斜日時李行綽濱海
行人信一鞭遼天六月雨長懸汴程從此三千里借
問幾時可到燕中國人記載多此類非但原詩之多

為點化其稱乙支生鄭麟趾遺風尤為絕倒東方無
乙支生是乃乙支文德也乙鄭遠絕數千年間而今
乃並稱者似是乙見隋書鄭撰唐史表而出之也
其錄李謹謂與韓錫祐為詩酒莫逞可勝捧腹非但
兩人不相識面雖同時而亦不識名字則安得為詩
酒莫逞而況兩人平生不能飲酒乎余明日行李猝
發未得澄證

李紙穆堂集庚寅元朝早朝詩朝鮮內屬來王久肯
恠衣冠太俗生紗帽版袍春入貢海隅日出最昇平
朝日山莊門外見千官退朝蒞帽蹄袖使人大漸而
我使衣冠可謂燁如仙人然街兒驚怪反謂場戲的

一樣悲夫

李益齋字仲思一號櫟翁慶州人十五登第忠宣王
在元邱構萬卷堂不肯東還召益齋置府中典中州
趙子昂元復初諸名流唱酬其奉使西蜀降香江南
所至題詠膾炙人口及東歸相五王四為冢宰忠宣
王之被譴竄吐蕃也萬里奔問忠憤藹然後封金海
侯八十一卒謚文忠其詩華豔昭雅快祛東人僻滯
之習其路上曰馬上行吟蜀道難今朝始復入秦關
碧雲暮隔魚鳧水紅樹朝連鳥鼠山文字剩添千古
恨利名誰博一身閑令人最憶安和路竹杖芒鞋自
往還余燕巖後麓隔一嶺有安和寺舊基每咏公此

待想云竹杖芒鞋往來是閒而蜀道秦關魚鳧鳥鼠
猶令人莫然自失今余是行又益齋之所未能到

宋元豐七年召京東淮南集高麗亭館密海二州騷
然有逃亡者明年蘇軾過之歎其壯麗留一絕云簷
楹飛舞垣牆外素柘蕭條斤斧餘盡賜昆耶作奴婢
不知償得此人無東坡之憎疾高麗到處如此若使
東坡見康廕所作三十三站察院則當又如何也

黃山谷次韻穆父贈高麗松扇云銀鈎玉唾明繭紙
松筵輕涼并送似可憐遠度憤溝淩

高麗城名

適堪今時

龍藏子又文人玉立氣高寒三韓持節見神山合得
安期不死藥使我蟬蛻塵埃間今未知高麗松扇為

何樣製作

余於高太史棫生坐誦潘庭筠次王秋史寒柳詩坐
客皆稱善余因問王秋史誰也馮明齋秉健曰此歷
城王進士名革字秋史自號七十二泉主人潘詩所
謂七十泉聲亂石齋是也凌策軒野曰國朝詩人多
推秋史嘗有白云亂泉聲裡誰通屐黃葉林間自著
書又黃葉下時牛背晚青山缺處酒人行時人目之
為王黃葉云

日下舊聞載東國史畧及廉史列傳高廉世子如元
謁帝便殿問讀何書對曰有儒師鄭可臣因讀者從
行宿衛之暇時從質問孝經論語帝悅命世子引與

俱入賜坐問本國世代相傳之序理亂之跡風俗之
宜聽之不逮其後命公卿議征交趾召二人同議對
稱旨於是授可臣翰林學士漬直學士列傳帝召見
世子于紫檀殿可臣從帝使之坐仍命脫笠曰秀才
不須編髮宜著巾御案前有物大圓小銳色潔而貞
高尺有五寸內可受酒五斗云摩訶鉢國所進駱駝
鳥卵也帝命世子觀之仍賜世子及從臣酒命可臣
賦之可臣獻詩曰有卵大如甕中藏不老春願將介
歲壽醺及海東人帝嘉之綴賜御羹

宋昆田按高麗世子即忠宣王璋嘗撰萬卷堂于
京師可臣在東國撰千秋金鏡錄續增修世代錄
年節要七卷又撰本國編年綱目四十二卷惜其
書不可得見也

余撰姊氏墓誌銘及嫂氏李恭人墓誌銘為托中州
人要覓海內佳筆戶部主事徐大榕湖州人也初不
相識為寄詩曰海外傳經名父子閉門終日在山中
平生遠愧徐陵筆不羨珊瑚作架紅其二銘他日
為工書遠寄天涯定不虛野鷺家雞休竊笑不才年
少亦相如其自注曰時因行期已促不能為作小諧
故整浼舍表弟書之底草今存當更寄也寄贈燕岩
足下并祭陽湖楊弇徐大榕草觀此所草蓋亦佳筆
也二銘錢塘楊廷桂所書楊廷桂即徐大榕表弟也

燕巖集

外集

熱河日記卷十八

行在雜錄

編次當為第十二北什倫布下

嗚呼 皇明吾上國也上國之於屬邦其錫賚之物
雖微如絲毫若賈自天榮動一域慶流萬歲而其奉
溫愉雖教行之北高若雲漢驚若雷霆感若時雨何
也上國也何謂上國曰中華也吾 先王列朝之所
受命也故其所都燕京曰京師其巡幸之所曰行在
我效土物之儀曰職貢其語當乎曰天子其朝廷曰
天朝陪臣之在庭曰朝天行人之出我壇場曰天使
屬邦之婦人孺子語上國莫不稱天而尊之者四百

年猶一日蓋吾 明室之恩不可忘也昔倭奴覆我
疆域我 神宗皇帝提天下之師東援之竭帑銀以
供師旅復我三都還我八路我 祖宗無國而有國
我百姓得免離題去服之俗恩在肌髓萬世永賴皆
吾上國之恩也今清按 明之舊臣一四海所以加
惠我國者上累葉矣金非土產則蠲之絲馬衰小則
免之米苧紙席之幣世減其裁而比年以來凡可以
出勅者必令順付以除近送之弊今我使之入熱河
也特遣軍機近臣道迎之其在庭也命班于大臣之
列其聽戲得比廷臣而宴賚之又詔永蠲正貢外別
使方物此實曠世盛典而固所未得於 皇明之世

也然而我以惠而不以息以憂而不以榮者何也非
上國也我今稱天子所在之處四行在而錄其事然
而不謂之上國者何也非中華也我力屈而服彼則
大國也大國能以力而屈之非吾所初受命之天子
也今其錫賚之罷蠲免之論在大國不過為卹小柔
遠之政則雖代蠲一貢歲免一幣是惠也非吾所謂
恩也噫戎狄之性如谿壑不可厭也皮幣之不足而
犬馬焉犬馬之不足珠玉焉今乃不然慈祿而歎玉
體怨而委曲不施煩苛無所違拒雖吾事大之誠足
以感彼而馴其性然彼其意亦未嘗一日而忘吾也
何則彼寄居中國百有餘年未嘗不視中土為逆旅

也未嘗不視吾東為鄰比也及今四海昇平之日
以陰狃我人者多矣遇之厚欲其市德也結之固欲
其弛備也他日歸巢壓境而坐責之以舊君臣之禮
饑療焉求其周軍旅焉望其助安知今日區區紙席
之蠲不為異時犬馬珠玉之需乎故曰可以憂而非
榮者此也今皇帝之意未必專出於此而吾東之為
大國所私厚者有年則人心之所晏然而易忽者也
吾於是并錄其奏單及勅諭以俟夫先天下之憂而
憂者

禮部諭大使張會同四譯館大使張文錦字煥並
順天大興人也為人短小精悍今
奉旨朝鮮所來正副使賫來熱河行禮欽此卽將此

旨傳諭該國使臣將帶往熱河官弁從人開寫姓名
清單卽刻送至精饌司明日撥上發往為此特諭八
月初四日起更時

禮部諭大使張奉旨將朝鮮使臣等帶往熱河行禮
已令卽將使臣姓名隨往官役姓名並開寫清單卽
行送部等候封報至今尚未送到事關奉旨何得稽
緩卽速開寫清單送部立等並此次派出隨往通官
烏林哺四哥徐宗顯保壽林寶樹等三員卽將此諭傳知
該員等令其明日巳刻帶同朝鮮使臣等往宿林溝
特諭並諭大使張明日卽刻在衙門伺候有面交事
件特諭八月初四日

朝鮮國進賀魚謝恩使前往熱河行在清單正使錦

城尉朴明源副使吏曹判書權鄭元始書狀官魚掌

令趙鼎鎮大通官洪命福趙達東尹甲宗從官周命

新正使鄭昌後李瑞龜副使趙時學書狀從人六十

四名已上共七十四人馬五十五匹

臣曹臣德奏為奏聞事滿尚書德甫漢尚書曹秀先

所有朝鮮國來使慶賀萬壽節令該使錦城尉朴吏

曹判書鄭及從人等於本月初九日來到熱河臣等

派另照料安插外為此奏聞乾隆四十五年八月初

九日奏奉旨知道了

臣曹臣德奏為據情代奏恭謝天恩事據朝鮮國使

臣錦城尉朴吏曹判書鄭等呈稱伏以 國王恭遇
皇上七旬萬壽不勝歡忭使職等竝表來賀得赴熱
河行禮已屬榮幸又蒙聖旨令小國陪臣等得附天
朝二品三品大臣之末行禮恩施格外事曠千古謹
當歸啓 國王感戴皇恩所有職等忭舞之忱呈請
禮部大人代為轉奏等情具呈前來為此謹具奏聞
乾隆四十五年八月十日奏奉旨知道了欽此

禮部謹奏為奏聞事本月十二日臣等遵旨派員會
同理藩院司員等帶領朝鮮使臣正使朴副使鄭書
狀官趙等前詣札什倫布拜見額爾德尼行禮後令
坐吃茶詢問該國遠近并入貢緣由該使臣答以回

皇上七旬大慶進表稱賀并恭謝天恩額爾德尼聞之甚喜卽屬令永遠恭順自然獲福仍給以使臣銅佛藏香毯穗等該使等當即叩謝所有給與使臣銅佛等物件開單呈覽為此謹具奏聞乾隆四十五年八月十二日奏奉旨知道了欽此

使臣見班禪事余俱載之扎什倫布記及見禮部奏聞其稱拜見額爾德尼給與使臣等物件該使臣等卽當叩謝云者皆妄也然而奏語事務不得不爾第據吾所目擊者詳錄之以資山中曝背一粲覽者當有以察之

正使銅佛一尊香毯十八哈達一介

哈達者猶云帶帛

程

毡子二藏香二十四把冰夾片一袋

不知何物為

副使銅佛一尊毯毯十四哈達一介猩々毡子一匹

藏香二十把

書狀官銅佛一尊毯毯十哈達一介猩々毡子一匹
藏香十四把

所謂銅佛高尺餘護身佛也中國例相贈遺遠遊者必持此而朝夕供養成俗年例進貢首以佛一尊為方物今此銅佛乃法王所以為我使祈祝行李之上幣也然而吾東一事涉佛必為終身之累况此所授者乃番僧乎使臣既還北京以其幣物盡給譯官諸譯亦視同糞穢若將洗馬售銀九十

兩散之一行馬頭輦而不以此銀沽飲一盃酒潔則潔矣以他俗視之則未免鄉閭

禮部為公務事所有外撥朝鮮國公文一角相應咨送兵部轉撥可也

主客司呈為知照事準行在禮部咨稱奉部具奏朝鮮使臣來到熱河一摺又具奏朝鮮使臣恭謝天恩一摺又具奏班禪額爾德尼給與使臣物件奏聞一摺相應抄錄各具奏底知照等因前來相應抄錄各原奏并欽奉諭旨移咨上謝事件處稽察房禮科浙江并知照

禮部謹奏為禮儀事恭照乾隆四十五年八月十三

日皇上七旬萬壽聖節行慶賀禮是日鑾儀衛預陳
皇上法駕鹵簿於淡泊敬誠殿庭設中和韶樂於淡
泊敬誠殿簷下兩旁設丹陛大樂於二宮門內兩旁
亭內俱北向扈從之和碩親王以下入八分公以上
及蒙古王公土爾扈特等俱蟒袍補服至淡泊敬誠
殿前按翼排立文武大臣暨朝鮮國正使土司等在
二宮門外各照品級按翼排立三品以下各官暨朝
鮮副使番子頭人等在避暑山莊門外各照品級按
翼排立禮部堂官奏請皇上御龍袍袞服陞淡泊敬
誠殿寶座中和韶樂作奏乾平之章皇上陞座樂止
鑾儀衛官贊鳴鞭階下三鳴鞭贊官排班丹陛大樂

樂作慶平之章鴻臚寺官引諸王文武官各排班序
立鳴贊官贊引贊跪王以下衆官進跪贊叩頭興王
以下衆官行三跪九叩頭鳴贊官贊退王以下衆官
俱復原位立樂以鑾儀衛官鳴鞭階下三鳴鞭禮部
堂官奏禮成中和韶樂作奏太平之章皇上鑾駕還
宮樂止王公以下衆官俱出內監奏請皇上御內殿
陞座妃嬪具龍袍補服於皇上前行六肅三跪三拜
禮成皇上起座妃嬪等還宮皇子皇孫皇曾孫等
行禮為此謹俱奏聞

主客司呈為知照事準行在禮部咨稱乾隆四十五
年八月十二日內閣奉上諭朝鮮世守藩封素稱恭

順歲時職貢祇慎可嘉間遇特頒勅諭及資送歸國
等事如琉球等國亦俱章陳謝惟朝鮮國必備具
土物附表呈進以藉綢忱向日專使遠來若令賫回
徒滋跋涉是以歷次留作正貢以存優卹而該國
恪供職守屆應正貢時仍復備物呈獻往來煩複轉
覺多一儀文我君臣推誠孚信中外一體又何必為
此繁褥之節耶今歲朕七旬萬壽該國俱表稱賀
業已宣命來使前行在隨朝臣一體行禮宴賚其
隨表貢物此次卽行收受以伸該國慶祝之誠嗣
後除歲時慶節正貢仍聽其照例備進其餘陳謝表
章所有隨表貢物概行停止毋庸備進副朕柔惠遠

人以實不以文之至意

臣德臣曹奏為據情代奏恭謝天恩事據朝鮮國使

臣錦城尉朴吏曹判書鄭等呈稱伏以恭遇皇上萬

壽節屆九域慶溢本國不勝歡忭之祝略效進賀之

忱禮部添贍望聖僧獲沾福佑乃者格外恩賞特沾

小邦至及於陪臣之賤禮部改加賞國王陪臣并

從人等微匹銀兩榮光所被曠絕前後謹當歸奏

國王禮部添另行具奏陳謝感戴皇恩呈請禮部大

人代為轉奏等情具呈前來為此謹具奏聞乾隆四

十五年八月十四日奏奉旨知道了欽此

筆帖式所持文簿中有此旨下呈文而與原本大

異蓋禮部轉奏時添改也使臣大駭之令任譚先
往禮部朝房詰其由曰何故潛改呈文而不令相
知郎中大怒曰你們呈文全沒事實故禮部大人
為爾國周旋已稟下爾們不知為德而乃反盛氣
來詰何也

六部中禮部最多舉行自天地郊廟山川祠典皇
帝起居四海萬國莫不闕由余在熱河視禮部舉
行之闕我國者有以占天下事矣皇帝有特恩於
使臣則禮部隨卽迫令呈文為之轉奏此在使臣
義分其叩謝當否自由使臣在大國體統雖外國
陪臣私自鳴謝以邀轉奏事當退却以煩屑瀆擾

為辭乃今不然惟恐呈文之後時轉奏之不及甚
至於不詢使臣潛改句語不顧大體只要一時悅
豫之資自陷罔上之科而甘取外國之侮禮部如
此諸部可知矣且使臣不日當還則咨文自可受
去而急先轉攬有若委巷小人銜功德色者然大
國事何其淺、然無足法於天下也又有所深可
憂者禮部之所以奔趨我事非畏我也特畏皇帝
之嚴急也使臣之坐督禮部事無難易惟期速成
此無他自不覺其有恃乎接遇之厚也比年以來
已成規例通官序班無所操縱於其間久已積不
平於我使矣若皇帝一朝不視朝而禮部之假借


承奉少有差池則一序班足以制我使之進退矣
又況禮部所以奔趨者本出於悅豫彌縫之事乎
為使臣者不可以不察也

凡使事進退專關禮部使臣之所以督成不過任
譯而已任譯不過喁囑通官通官不過圖囑衙門
所謂衙門卽四譯提督及大使也提督大使之於
禮部堂官等威截嚴非可造次干托也然而使臣
之疑怒恒在譯官者蓋由言語莫能自通而只憑
彼此譯舌故也使臣既疑其受欺而任譯常怨其
難明上下情志否隔不得相通使臣之督責任譯
逾急則序班通官之操縱逾甚進退緩急始在掌

握動輒索賂歲增年加遂成前例今其所被操縱
不過回期之暫滯文書之差退而已萬一有事且
急而大國之所以慰接使臣者未保其恒如前日
則深坐館中者不過外國之陪臣將誰恃乎惟得
仰成於序班而凡係禮部者始得沛然而公行其
操縱矣為使臣者不可以不慮也

清興百四十餘年我東士大夫事中國而恥之雖
蚤俛奉使而其文書之去來事情之虛實一切委
之於譯官自渡江入燕京所經二千里之間其州
縣之官闕阨之將不但未接其面亦不識其名由
是而通官公行其索賂則我使甘受其操縱譯官

遑々然承奉之不暇常若有大機關之隱伏於其
間者此使臣妄尊自便之過也使臣之於任譚太
疑則非情而過信之不可如有一朝之虞則三使
者其將默然相視而徒仰任譚之口而已哉為使
者不可以不講



燕巖集

外集

熱河日記卷十九

戲本名目

三祝	獻歲	社	皇建	獻瑞	羅漢	海屋	九如
重譯來朝	晉萬年觴	八旬焚義券	有極	壽山拱瑞	渡海	添籌	歌頌
盛世崇儒	鶴舞呈瑞	以躋公堂	五方呈仁壽	八佾舞虞庭	勸農官	瑞呈花舞	光被四表
嘉客逍遙	復朝再中	四海安瀾	函谷騎牛	金殿舞仙桃	簷蔔舒香	萬喜千祥	福祿天長
聖壽	華封	三皇	士林歌樂	蓮池	獻野瑞	山靈應瑞	仙子效靈

綿長 五岳嘉祥 吉星添耀 維山控鶴 命仙

童 壽星既醉 樂陶 麟鳳呈祥 活潑 地

蓬壺近海 福祿并臻 保合大和 九旬移翠

嶽 黎庶謳歌 童子祥謳 圖書聖則 如環轉

廣寒法曲 協和萬邦 受茲介福 神風四扇

休徵疊舞 會蟾宮 司花呈瑞葉 七曜會

五雲籠 龍閣遙瞻 應月令 寶鑑大光明 武

士三千 漁家歡飲 虹橋現大海 池湧金蓮

法輪悠久 豐年天降 百歲上壽 絳雪占年

西池獻瑞 玉女獻盃 瑤池香世界 黃雲扶日

欣上壽 朝帝京 待明年 圖王會 文象成

文 太平有象 灶神既醉 萬壽無疆

八月十三日乃皇帝萬壽節前三日後三日皆設戲
千官五更赴闕候駕卯正入班聽戲未正罷出戲本
皆朝臣獻頌詩賦若詞而演而為戲也另立戲臺於
行宮東樓閣皆重簷高可建五丈旗廣可容數萬人
設撤之際不相冒礙臺左右木假山高與閣齊而瓊
樹搖林蒙絡其上剪綵為花綴珠為葉每役一奉呈
戲之人無慮數百皆服錦繡之衣逐奉易衣而皆漢
官袍帽其役戲之時暫施錦步障於戲臺閣上寂無
人聲只有靴響少焉擬帳則已閣中山峙海涵松矯
日翥所謂九如歌頌者即是也歌聲皆羽調倍清而

樂律皆高亮如出天上無清濁相濟之音皆笙簫簟
笛鍾磬琴瑟之聲而獨無鼓鼙間以疊鈺頃刻之間
山移海轉無一物參差無一事顛倒自黃帝堯舜莫
不像其衣冠隨題演之王陽明日韶是舜一本戲武
是武王一本戲則桀紂幽厲亦當有**一本戲**今之所
演乃夷狄一本戲耶既言季札之知則未可遽論其
德政而大抵樂律高亢極上不下交矣歌清而激
下無所隱矣中原先王之樂吾知己矣夫



